



Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. II. De Regum Franciæ meritis erga Ecclesiam, eorumq[ue] cum
Summis Pontificibus necessitudine ad tria prima Capita probationum
Libertatum Ecclesiæ Gallicanæ.

urn:nbn:de:hbz:466:1-38227

C A P U T I I.

*De Regum Franciæ meritis erga Ecclesiam , eorumq; cum
summis Pontificibus necessitudine ad tria prima Capita
probationum Libertatum Ecclesiæ Gallicanæ.*

1. **I**stius Voluminis Capiti primo appositus est titulus , qui
nos labore relevat examinandi , quæcumque complecti-
tur. Cùm enim de pietate , ac meritis sit Regum Franciæ erga
Ecclesiam , summos Pontifices , ac sanctam Sedem ; cò tan-
tum videtur spectare , ut religio Christianissimorum illorum
Principum commendetur ; quam eis laudem tantum abest , ut
nos invideamus ; ut etiam , si quid conferre possemus , augere
omnino cuperemus , quò propositis potentissimo Regi Ludo-
vico XIV. Majorum ac Prædecessorum exemplis , magis ac
magis accenderetur ejus erga Ecclesiam , & adversus Eccle-
siæ hostes zelus , suorumque ipse posteriorum imitationi il-
lustriora relinqueret exempla.

2. Significat autem Puteanus jam in ipso limine , quod sit
ejus consilium , cùm in titulo primi Capitis , Regum Fran-
ciæ dumtaxat meminerit. Ex quo intelligitur ipsum non Ec-
clesiæ Gallicanæ , sed Regis , ejusque Officialium , ac Judi-
cum causam agere ; quandoquidem nusquam , aut rarissime
Cleri , qui Ecclesiæ sine dubio prima , & præcipua pars est ,
merita , & jura commemorat , nisi fortè ut potestati sacerulari
submittat. Nonnè debuerunt etiam in hoc primo Capite An-
tiquorum Episcoporum Galliæ erga sanctam Sedem reveren-
tia , & obedientia , strictissimaque cum illâ conjunctio com-
mendari ? Nihilnè ad honorem Regni Christianissimi per-
tinet vetus illius Cleri cum Romano Pontifice tum in fide ,
tum in moribus & disciplina consensus ? sed si laudes Regum
Francorum explicandas suscepserat Scriptor iste , cur præter-
misit ipsorum fidem , & quæ à tot sacerulis in throno Gallico
inviolata permanit , quæque totius Religionis , atque adeò
Ecclesiæ ipsius fundamentum est ? Nimirum politice de re-
bus Ecclesiasticis , non autem Ecclesiastice scribebat. Itaque

Re-

Regum erga Ecclesiam , & Pontifices beneficia , tempora-
lia præcipue , alia verò nonnisi quæ plurimum habent splen-
doris , explicat.

3. Cæterū Caput istud primum nonnulla complectitur
falsa , v. g. quod refertur num. 3. ex Sigeberto à Gratiano
exscriptum dist. 63. cap. Adrianus. De potestate summum Pontificem
elegendi & Episcopos investiendi , quæ supponitur Carolo Magno ab
Adriano Papa data , quod jam multi Scriptores validissimè
confutarunt : nonnulla modum apertissimè excedunt , ut
num. 6. hæc elogia ; Christi fidelium supremo Principi , inclita sanctita-
tis miraculis , in hac virtute divina , ac felicitate mirabile ; presulgenti Phi-
lippo , &c. Quæ nonnisi per adulationem Philippo Pulchro con-
cini potuerunt. Tale est etiam quod in fine dicitur ; Regem
non solum temporalitatem , sed etiam Divinitatem obuinere ; Alia , nisi la-
nè interpreteris , falsam ingenter sententiam , ut istud eodem
num. 6. Ad defensionem , & exaltationem ipsius fidei , ipse Dominus Rex
collatan fibi recepit à Domino potestatem , itemque Prælati sunt in partem sô-
licitudinis vocati. Verùm , ut jam insinuavimus , curandum mag-
is est , ut Reges Galliæ , Majorum suorum pietatem imi-
tantes , se laudibus dignos reddant , quæ ut quæ illis tributa
sunt encomia , ad severam veritatis normam exigantur.

4. Porrò satiū fuisse nonnulla ex iis , quæ Puteanus Re-
gibus adscribit prætermittere ; qualia sunt quæ sub num. 4.
de Carolo VI. & num. 6. de Philippo IV. refert. Certè enim
quæ à Philippo IV. adversus Bonifacium , aut à Carolo VI.
ejusque Patre in favorem Pontificum , aut Pseudo-Pontificum
Avenionensium gesta sunt , antiquam Regum Franciæ glo-
riam , & eorum erga sanctam Sedem præclara merita potius
obscurarunt , præstaretque illa æternâ oblivione deleri , quæ
in laudis argumentum assumi.

5. Caput secundum & Caput tertium magnam probant in-
tercessisse necessitudinem inter summos Pontifices & Reges
Franciæ , quæ utinam integra semper custodita fuisse ; uti-
nam arctius , atque arctius indies stringeretur.

6. Observari autem potest in istis Capitibus , sicut & ali-
bi frequenter , Puteanum multò minus de Ecclesiæ , quæ
de Regis Dignitate curare. Non solum ea præmittit , quæ
in Regis honorem vergunt ; sed etiam si quæ Pontifici fa-
vere

Kkkk vere

M. C.
Libri
Secundus
G. III
231

626 TRACTATUS DE LIBERTATIBVS,
vere videntur, ea quantum potest, extenuat, v. g. cap. 3.
sub num. 2 hæc verba Ludovici XI. ad Pium II. Utet deinceps in
Regno nostro potestate tua, ut voles, atque illam exerce. Clausulam vo-
cat valdè novam, & extraordinariam; quasi novum esset, & ex-
traordinarium in Gallia, ut Papa suā potestate uteretur, ut vel-
let, non prohibente Rege.

7. Debet quidem summus Pontifex voluntatem suam ad
rationis ac justitiae leges conformare; sed quod ejus confor-
mationis in rebus spiritualibus & Ecclesiasticis (quales erant
illæ, de quibus loquebatur Ludovicus, ut patet ex contextu ejus
litterarum, quæ referuntur integræ à Philippo Labbeo tom.
14. sub sessione 4. Concilii Lateranensis V.) Principes sœcula-
res sese Judices constituant, & Sacris Canonibus, & antiquorum
Regum Religioni repugnat. Sed hæc præludia tantum sunt.
Atrocius offendetur Ecclesiastica jurisdic̄tio in sequentibus.

C A P U T I I I .

De excommunicationibus contra Reges, & Regios Offi-
ciales ad cap. 4. & 5. Puteani.

1. **P**uteanus cap. 4. Reges Franciæ cap. autem 5. Regios
Officiales, dum propria Officia exercent, excommu-
nicationibus subjici non posse affirmat; sed non satis intel-
ligitur ejus consilium. Hic enim, ut alibi, diversa testimo-
nia congerit, quæ inter se pugnant, mutuoque sese destruunt.
Aliqua ex his aëtis, quæ in his capitibus exscribit, præroga-
tivam illam, quod Rex nequeat excommunicari, privilegium
esse innuunt à sancta Sede concessum; v. g. quæ extant cap.
4. num. 20. 21. 26. Alia prærogativam illam restringunt ad
casus, in quibus agitur de temporalibus Regni, ut cap. 4.
num. 9. 11. 13. 16. 18. 22. 23. 24. 25. 26. Quid de hoc ul-
timo, ad quod pertinent cap. 4. & 7, sentiendum sit, colligi
potest ex doctrina toto lib. 4. tradita.

2. Privilegia quamplurima scimus Franciæ Regibus, etiam
circa censuras, à summis Pontificibus esse concessa, quibus
ut liberè gaudcent nemo debet ægrè ferre. Quocircā ita mo-
net